

III. OUTRAS DISPOSICIÓNS**AXENCIA INSTITUTO ENERXÉTICO DE GALICIA**

RESOLUCIÓN do 30 de novembro de 2022 pola que se amplían e se redistribúen os créditos orzamentarios por epígrafes recollidos na Resolución do 23 de marzo de 2022 pola que se establecen as bases reguladoras e se anuncia a convocatoria de subvencións para proxectos de aforro e eficiencia enerxética nas empresas dos sectores industria e servizos para o ano 2022-2023 (código de procedemento IN417Y).

Mediante a Resolución do 23 de marzo de 2022 que foi publicada no DOG núm. 66, do 5 de abril, establecéronse as bases reguladoras e anunciouse a convocatoria de subvencións para proxectos de aforro e eficiencia enerxética nas empresas dos sectores industria e servizos para o ano 2022-2023, cofinanciadas polo Fondo Europeo de Desenvolvemento Rexional no marco do programa operativo Feder-Galicia 2014-2020 (código de procedemento IN417Y).

O artigo 3.1 das bases reguladoras prevé a posibilidade de redistribuír o orzamento se nalgunha das epígrafes non se rexistraron solicitudes suficientes para esgotar os fondos dispoñibles e noutra das epígrafes existe lista de espera. O prazo de presentación de solicitudes rematou o 3 de outubro e non se rexistraron solicitudes suficientes para esgotar os fondos dispoñibles nas epígrafes correspondentes a grande empresa de proxectos de aforro e eficiencia enerxética do sector servizos (PAES) e, con todo, non se dispón de dispoñibilidade orzamentaria suficiente para atender o resto de epígrafes.

O artigo 31 do Decreto 11/2009 establece que cando a contía total máxima das subvencións convocadas se distribúa entre distintos créditos orzamentarios, a alteración da dita distribución non precisará de nova convocatoria, pero si das modificacións que procedan no expediente de gasto e da publicación nos mesmos medios que a convocatoria.

Adicionalmente, no artigo 3.2 das bases reguladoras establécese a posibilidade de ampliar o crédito como consecuencia da existencia dunha maior dispoñibilidade orzamentaria derivada dalgunha das circunstancias previstas no artigo 31.2 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia e, se for o caso, logo da aprobación da modificación orzamentaria que proceda. Conforme o disposto no artigo 3.3 das bases, de producirse a ampliación de crédito, publicarase no DOG e na páxina web do Inega (www.inega.gal), sen que tal publicidade implique a apertura de prazo para presentar novas solicitudes nin o inicio de novo cómputo para resolver.



Por todo o anterior, e dado que nas aplicacións orzamentarias correspondentes existe crédito dispoñible, a axuda asociada ás solicitudes en curso é superior ao orzamento da convocatoria, e coa finalidade de incrementar a eficacia administrativa e a eficiencia na asignación de recursos públicos, maximizando o impulso de proxectos de aforro e eficiencia enerxética nas empresas dos sectores industria e servizos.

RESOLVO:

Primeiro. Ampliar e redistribuír os fondos destinados ás subvencións para proxectos de aforro e eficiencia enerxética nas empresas dos sectores industria e servizos para o ano 2022 en función do volume de solicitudes recibido, modificando a táboa do artigo 3.1 da Resolución do 23 de marzo de 2022 do seguinte xeito:

– Dotación orzamentaria inicial:

Distribución por liña de axuda	Tamaño empresa	Ano 2022 (€)	Ano 2023 (€)	Total (€)
PAEI-Proxectos de aforro e eficiencia enerxética no sector industrial	Peme	1.227.784,87	772.215,13	2.000.000,00
	Grande empresa	600.000,00	750.000,00	1.350.000,00
PAES-Proxectos de aforro e eficiencia enerxética no sector servizos	Peme	500.000,00	500.000,00	1.000.000,00
	Grande empresa	411.624,17	238.375,83	650.000,00
Total		2.739.409,04	2.260.590,96	5.000.000,00

– Modificación orzamentaria:

Distribución por liña de axuda	Tamaño empresa	Ano 2022 (€)	Ano 2023 (€)	Modificación total (€)
PAEI-Proxectos de aforro e eficiencia enerxética no sector industrial	Peme	650.000,00	0,00	650.000,00
	Grande empresa	481.624,17	208.375,83	690.000,00
PAES-Proxectos de aforro e eficiencia enerxética no sector servizos	Peme	150.000,00	0,00	150.000,00
	Grande empresa	-381.624,17	-208.375,83	-590.000,00
Total		900.000,00	0,00	900.000,00

– Dotación orzamentaria final:

Distribución por liña de axuda	Tamaño empresa	Ano 2022 (€)	Ano 2023 (€)	Total (€)
PAEI-Proxectos de aforro e eficiencia enerxética no sector industrial	Peme	1.877.784,87	772.215,13	2.650.000,00
	Grande empresa	1.081.624,17	958.375,83	2.040.000,00



Distribución por liña de axuda	Tamaño empresa	Ano 2022 (€)	Ano 2023 (€)	Total (€)
PAES-Proxectos de aforro e eficiencia enerxética no sector servizos	Peme	650.000,00	500.000,00	1.150.000,00
	Grande empresa	30.000,00	30.000,00	60.000,00
Total		3.639.409,04	2.260.590,96	5.900.000,00

Segundo. Esta modificación, unha vez publicada no *Diario Oficial de Galicia*, non implicará a modificación do prazo establecido para presentar solicitudes.

Santiago de Compostela, 30 de novembro de 2022

Pablo Fernández Vila
Director do Instituto Enerxético de Galicia

CVE-DOG: taoa0fn9-ixu1-yem9-d2w5-vfxctaqlxx4

